risse che heri comenzò a intrar in Lodi alcuni homini di arme dil signor Antonio da Leva, et verifica il brusar de Marignano, et che lì se diceva che era zonto a Ferrara il re di Navara, et che il signor Alberto da Carpi era intrato in Carpi, et quelli spagnoli che era andati verso el Pontremolo sono ritornati indrieto.

A dì 22 Dezembrio. La mattina fo lettere di Roma, di l'Orator nostro, di 17, 18 et 19. Il sumario di le qual scriverò di sotto. Et pareva fusse aviso di Spagna, come il re Christianissimo era acordato con Cesare, et li dava la Bergogna, et per obstazi do soi fioli. La differentia era, che'l re Cristianissimo voleva esser prima liberato e poi darli la Bergogna, et Cesare voleva la consignation di la Bergogna avante lo lassasse. Et che madama di Lanson, che tornava in Spagna per questo, la qual era zà posta in camino per venir in Franza.

Di Franza, da Lion, de l'amico, di 12. Come madama di Lanson tornava in Franza, et non seguiria lo accordo; et altre particularità ut in litteris. Come dirô più avanti.

Di Augusta, di sier Carlo Contarini orator, di 17. Come era venuto lì el conte Zorzi Fraunsperg, qual per le altre scrisse, quel Serenissimo voleva el venisse a Milan al governo de li lanzinech, qual havia ditto non voleva andar per star sotto Antonio di Leva. Scrive, la dieta provintial era principiata lì in Augusta; et sopra tutto questi voleno che 'l Salamancha conte di Ortenburg non restasse apresso il Serenissimo, nè fusse dil suo consiglio etc.

Da poi disnar fo Consejo di X con la Zonta.

Fu preso dar a quel Zuan Sagramoso cittadin veronese, qual insieme con Verità di Verità; che morite in questa terra, acusò il trattato di Verona intervenendo quel de la Scala, et dete in le man di rectori nostri quel Cristoforo da Crema mantoan che in questa terra fo impicato, che atento la suplication data sia fatto esente de tutte le sue intrade. Item, habbi licentia di portar arme. Item, conduta di fanti 200 quando parerà a questo Conseio, et auta habbi provision ducati 20 per paga a page 8 a l'anno.

Item, a Hironimo Rigeto veronese, qual etiam ha fatto bone operation in questa materia, sia etiam exente dil suo e possi portar arme.

Item, Pandolfo di Maffei veronese, qual fo retenuto et fo lasato, et è a Verona, per aversi etiam lui ben portato, sia exente come li altri, et possi portar arme.

Item, preseno che, atento l'oblation di di

tuor il dazio di la stadera di Verona per anni a pagar ducati . . . a l'anno, et vol prestar de praesenti ducati 4000 da scontarli nè l'ultimo anno del

usipi Jerrini, natuta, ay pene bee

Item, preseno che certa livelation fata di campi 350° 250 sul Polesine di Ruigo per a sier Piero Mocenigo di sier Lunardo procurator, qual non si poteva far senza pagar certa parte a la Signoria nostra, et il patron è morto sicome scrive sier Marco Antonio di Prioli podestà et capitanio di Ruigo, pertanto sia taiata, et cussì tutte le altre di tal sorte fatte, e sia commesso a li Cai di questo Consejo insieme con li Proveditori sora i danari debano ald rli etc.

Item, fono sopra la cosa di la comandaria di Cipro, intervenendo il fiol di sier Zuane Corner di sier Zorzi, cavalier procurator per le intromission di le robe di la comendaria fatta per sier Donado da Leze luogotenente di Cipro. Unde li Cai di X messeno, che ditta comanderia sia liberata, e quello ha fatto esso Locotenente e Consieri sia retrato, et de coetero pagi la decima come fu preso alias in quella camera, et non più al Gran maistro de Rodi. Et sier Andrea Mudazo et sier Pandolfo Morexini consieri messeno che 'l pagi, dal tempo l'ave il possesso in qua. Andò le parte di Cai di X, in la qual intrò sier Andrea Foscarini el consier, aziò l'andasse prima. Ave 17 dil Muazo e Morexini 7, di no 2, non sincere 2, et quella di do' Consieri andò zoso. Iterum ballotata la parte sola: 18 de sì, 6 de no, el 4 non sincere. Et nulla fo preso, perchè per le parte dil Consejo di X voleno li do terzi.

Di Verona, fo lettere dil Proveditor zeneral Pexaro, di 21, hore

A CONTRACTOR OF THE PROPERTY AND A SECOND SECTION OF THE PARTY AND A SECOND SECTION OF THE PARTY AND A SECOND SECTION OF THE PARTY AND A SECOND SECOND SECTION OF THE PARTY AND A SECOND SECOND

Di rectori, di Bergamo, di 20. Mandano 351 questo reporto: Per uno venuto da Milano de nostri, parti heri a 21 hora, referisse quasi in conformità di quanto per il riporto di heri significono, et più oltra, quanto a lo accordo dil Christianissimo con Cesare, da chi meglio iudica è tenuto non essersi fatto certa conclusione. Item, che pur se conferma, over persevera la nova di l'ordine che spagnoli se debbiano levar di l'assedio dil castello. Et più riporta, che'l signor Antonio da Leva è amalato et sta male, et haverlo inteso da più lochi. Et più, che'l marchexe dil Guasto saria andato a Pavia con le gente d'arme se 'l non fusse ch' è restato per veder quel che segue dil prefato signor Antonio da Leva. Dice praeterea, circa la via tenuta per il re de Navara, che 'l prefato Re passò Tesino al ponte